

Delegat Krstan Simić postavio je sljedeće pitanje Vijeću ministara BiH:

„Zašto se ništa ne preduzima na otklanjanju izvora diskriminacije kome je podvrgnuto trenutno 24000 penzionera iz Republike Srpske (bilo ih je 38000, a u međuvremenu je preminulo 14000) shodno nalogu Evropskog suda za ljudska prava u predmetu Karanović protiv Bosne i Hercegovine (zahtjev broj 39462/03), s tim što je navedni zahtjev još naglašenije dat u presudi istog suda Šekerović i Pašalić protiv Bosne i Hercegovine (zahtjev broj 5920/04 i 67396/09).

Podvlačim da je i Dom za ljudska prava, a i Ustavni sud BiH u nekoliko navrata utvrdio postojanje diskriminacije, obavezao Federaciju BiH da se ovaj izvor diskriminacije hitno otkloni, ali na tom planu ništa nije urađeno.

Ilustracije radi, prilažem dokumente iz kojih je vidljivo na koji način se postupa s licima koja podnesu zahtjev da ostvare pravo koje je utvrđeno navedenim odlukama kako Evropskog suda, tako i domaćih sudova i institucija.

S obzirom na prirodu pitanja i provjeru činjenica, molim odgovor u pisanoj formi.“